



Tangka



Chawleh chawhrawl tuahnak cu Australia nih a tuahmi le a hmanmi thilri a dihlak, riantuannak a dihlak le tangka a dihlak a si.



Australia nih zalong tein chawleh chawhrawl tuahnak a ngei.



Cu a sullam cu a man zeizat dah a si lai timi kha thilri pawl le riantuan piaknak pawl a petu minung hna nih bia an khiah.



Australia nih thiamnak a ngeimi riantuantu thazaang a ngei.



Cu a sullam cu rian a ngeimi cu rian an tuanmi kong ah a hlei in thiamnak pawl le hngalhkauhnak an ngei.




Australia nih chawleh chawhrawl tuahnak pehzulh in tuah a haumi a biapi ngaimi seh zung pawl an um:

- vawlei chung thil chuahnak rian



- lothlohnak



- seh in thilri sernak – chuahmi thil pawl tuahnak




- riantuan piaknak pawl

Australia tangka



Australia dawla cu Australia i hmanmi tangka a si.



Nan ram tangka kha Australia dawla ah na thlen khawh:

- vanlawng dinhnak hmun ah



- tangka thlennak hmun ah



- ban zung tam deuh ah



Na khualtlawnnak cauk asilole khualtlawnnak catlap pawl hmuhsak na hau men lai.

Tangka le Bawmhnak



A hmasa bik Australia na phanh ah Centrelink ah hi he hin nan kal lai, na:

- riantuanpiaktu



- asiloah an autu



Hi pawl hmuh khawhnak ding min khumhnak ah an in bawmh lai:

- bawmhnak tangka pawl – Acozah nih an in bawmhnak tangka
- na hman khawh dingmi a dang riantuannak pawl




Centrelink ah na pek a haumi:



- nangmah aho na si kha hmuhsaknak – na sining tein – na khualtlawnnak cauk asilole khualtlawnnak ca tialpiakmi tibantuk



- ban i tangka chiahnak account dikthlir



Ban i tangka chiahnak cauk tuahnak caah Centrelink nih pek dingmi paoh a liam lai.

Rian na hmuh tikah, na tuan piakmi minung nih ban i tangka chiahnak account chung ah tangka an rawnpiak lai.

Bank Kong



Australia a voi khatnak na phak ah ban i tangka chiahnak account naa tuah a hau lai.



Ban pakhat kha naa thim khawh i hi hna nih an in bawmh khawh, na:

- riantuanpiaktu



- asiloah an autu



Ban ah na pek a herhmi pawl cu:


- na khualtlawnnak cauk asilole khualtlawnnak catlap tibantuk aho na si hliahnak



- na umnak hmunhmma dikthlir in – na umnak



- na Ngunkhuai peknak Catlap Nambar (Tax File Number)




Australia ah mi tampi nih an hman:

- electronic hmang in tuahmi tangka fimnak
- intanet in tangka fimnak



Ban nih an in pek lai:

- ban kat



- Na ban kat na hman tikah hman dingmi Pampaak lawng nih Hngalhmi Nambar (Personal Identification Number - PIN)



Na PIN kha pampak lawng nih hngalh dingin chia – zeidah a si ti kha aho hmanh chim hna hlah.



Hiti hin a can ahcun a ran khawh chungin ban zung na chimh hna a hau:

- thlau ahcun
- fir piak na ton ahcun



Kat kha hiti hin na tuah a hau:

- chiahnak pawl – tangka chiahnak




- chuahnak pawl – tangka chuahnak



Hika hmun pawl ah hin kat kha na hman khawh:

- Amah tein Chimtu Seh (Automatic Teller Machines - ATMs) ah



- ban zung pawl ah



- dawr pawl ah

Tangka Budget Sernak



Australia i um dingah tangka tampi a dih.



Liam dingmi pawl pek na hau mi hi pawl caah tampi na hman lai:

- inn hlan man



- rawl man



- riantuan piaknak man pawl
 - ti man
 - kes man
 - lektrik man
 - telefon man



Australia i a hmasa khua na sak tikah liam dingmi pawl caah tangka tampi na hman men lai.



Australia i khua na sak tikah na ngeih dingmi cu:

- hlanlio nak in tangka a tam maw, a tlawm maw, ngeih na si lai



- hlanlio nak in liam dingmi pawl tamdeuh na ngei lai



Na herh khawh men mi cu:

- na tangka hman ning thlen a hau men lai
- na nunning thar he aa kaih-kawh dingin tangka hmuhnak le hmannak ding tuak chungnak na tuaktan a hau men lai



Tangka hmuhnak le hmannak ding tuak chungnak nih an bawmh lai, zeizat dah:

- na ngeih



- na hman khawh



- na khon khawh



Na cawn khawh ding a thami zia cheukhat hna cu:

- tangka hmuhnak le hmannak ding tuak chungnak tialmi nih zeizat dah tangka na herh i zeitik caan dah na herh



- zeizat dah na hman timi hngalhnak caah thil na cawk i a in pekmi catlap pawl kha fim



\$\$



- ban i tangka chiahnak account caah zultphung pawl kha hngal hna law zul hna, cuticun a hlei in pek chap mi na ngei lai lo.


- tangka na hmanmi ka cham kho ti lai lo tiah na ruah paoh ahcun tangka cawinak asilole cawinak kat va hmang hlah



- na hmuh hmasa mi thil pawl kha cawk lo i zuam – na herh tak maw herh tak lo kha ruat



- intanet asilole kut put fon pawl ah zeizat dah na hman kha tha tein zoh – tampi na di h kho



- tangka na chiahnak ah telefon asilole intanet in tangka khonnak kha hmang



Na liam hnga dingmi pawl cu a caankhel in pek a biapituk.



Australia ah na ngunkhuai le, na liam hnga dingmi pek caan ah na pek ahcun a thami dot peknak tialmi cu a karh cho lai.



Cawihmi tangka hmuh khawhnak dingah a thami zumhtlak sinak dot na herh – tangka cawi dingah.



Mawtaw asilole inn cawknak ah tangka cawi na herh kho men.



Tangka cawimi in inn cawk cu tangka cawimi aahmankhannak tiah auh a si.

Bill Tangka Peknak



Riantuanpiaknak kompani pawl nih caan hman tein na liam hnga dingmi pawl an in kuat lai.

Riantuan piak na simi ah aa telmi cu:



- ti
- kes
- ektrik
- telefon



Pek na hauh nithla cu liam hnga dingmi aa tialnak catlap nih an chimh lai.



Na liam hnga dingmi pawl cu a caankhel in pek a biapituk.



Na liam hnga dingmi pawl na liam lo ahcun:

- riantuan piakmi pawl kha ngol a si men lai
- hnut man tangka na liam khawh men



Liam ding pawl cu hiti hin pek khawh a si:

- carek zung pawl ah



- kompani zung asilole thil chiahnak ah



- telefon asilole intanet in tangka khonnak hmannak hmang in



Innthar ah naa thial tikah tuah na herhmi cu:

- na innhlun i riantuan piakmi pawl kha pehtlaihna ngol



- na innthar ah riantuan piakmi pawl kha pehtlaihna tuah

Dawr Ah Thil Cawknak



Australia dawr pawl i an zuarmi thil pawl cu a man khiahcia mi an ngei i cu ning cun na pek hna lai.

An man ning khan na pek a herh.



Man fawi deuh in cawk dingah i zuam in det cu, tuah tawnmi a si lo.



Mawtaw tibantuk thil pipa na cawh ahcun a man na det khawh men hna lai.



Cheukhat dawr pawl cu thil tampi na cawh hna i hihi na tuah ahcun man fawi deuh in an in pek lai:

- tangka fang in na pek hna ahcun



- pakhat nak tamdeuh na cawh ahcun



Australia i minung pawl cu thil an cawh tikah artlang tein an dir i an hngah.



Hmailei i artlang dir in a hngakmi minung pawl kha namchih cu thil dawhcah lo a si.



Zeimawcaan ahcun seh in nambar (token) na lak a herh lai i nangmah caan kha na hngah a hau lai.

Tirawl



Khuapi le khua zkip nih dawr phunphun an ngei cio i cuka ahcun hi pawl hi na cawkhawh:

- rawl



- thilthuam pawl



- nifatin nunnak ah na herhmi thil pawl



Vawleicung hmun zkip i dawr ngan pipi ah rawl na cawkhawh.



Khuapi a tam-u cu dawr nganpi an ngei dih i cuka ahcun hi a tharhlam pawl kha na cawkhawh:

- thingthei



- anhringso



- sa



- nga



\$\$\$

Dawr pawl ah thilman a fawi deuh tawn.

Rawl ei khawhnak




Vawleicung khua zkip i hihi pawl ahhin rawl na ei khawh:

- rawl dawr pawl



- lakphak dawr pawl



‘I kalpi mi’ asilole ‘rang tein hmuh khawhmi rawl’ phun tampi i thim ding zong na ngei – rawl chuancia mi le ei khawh colh dingmi.

\$\$\$

Australia i rawl dawr pawl ah ei cu tangka tampi a di.



Inn ah chuan in ei cu a tlawm deuh a di.

Hnipuan



Australia ah na duhmi sawisam thilthuam naa thim khawh i naa hruk aih khawh.


Minung tampi cu nitlak lei thilthuam an i hruk aih.



A biapi ah ruahmi thilthuam pawl hruk aih dingah naa thim khawh:

- nan nunphung caah
- nan biaknak caah

Thilthuam pawl cawh dingah dawrkahnak



Thilthuam le kedan pawl cu hika ah hin na cawh khawh:

- dawr nganpi ah
- dawr hmete pawl



Thilthuam pawl a man cu hi pawl cungah aa hngat:

- a satal
- a chiatthat
- benh mi ca



An rak hmancia mi thilthuam le kedan pawl cawh khawhnak dawr pawl an um. Cu pawl cu:

- a thiangmi
- a thami
- man fawimi – man tlawmte an si



Mibu bawmh aa zuammi minung nih an tuahmi dawr pawl an um.



Dawr tam-u cu thilthuam pawl hrukchunnak le i tahnak khaan hmete an ngei.

Sianginn thilthuam pawl



Sianginn a tam-u cu ngakchia nih hruk aih ding thilthuam pawl an ngei.



Sianginn i hruk dingmi thilthuam cu hika hmun ah na cawh khawh:


- sianginn ah




- cheukhat dawr pawl ah – zeibantuk dah a si ti kha sianginn nih an in chimh hna lai



Tangli sianginn a tam-u nih ngakchia a leeng an chuah tikah luchin an i chin lai timi zulhphung an ngei.



Ni linh cu luchin chihnakh nih ngakchia a runven hna.



Australia ah nika cu a thawng tuk i na cuar zong a lak dih kho.



Australian Government
Department of Social Services

Mipeem Caah Tuantu Ramkip Huap Phu
nih Australian Cozah Zatlant Bawmhnak
Phu ai-awh in a cawnpiak hna

